

КОМИ РЕСПУБЛИКАСА КОМИ КЫВ КОМИССИЯЛӨН

2011 вося лөддза-номъя төлысь 14 лун

24 №-а

СЁРНИГИЖӨД

Волісны: Марков В.П., Цыпанов Е.А., Козулина С.Г., Карманова А.Н.,
Безносилова Л.М., Коснырева Е.Г., Макарова Н.Д.

Видлалісны да сөгласуйтісны:

	Рочөн	Комиён
1	Сыктывкарский район водных путей – филиал федерального бюджетного учреждения «Северо-Двинское государственное бассейновое управление водных путей и судоходства»	Сыктывкарса ва туйяс район - «Ва туйяс да суднояс ветлан Войвыв Двина бассейнса канму веськөдланін» федеральнөй сьөмкүд учреждениеса филиал
2	Сыктывкарский РВП – филиал ФБУ «Севводпуть»	Сыктывкарса ВТР – «Севводпуть» ФСУ филиал

3. Коми Республикаса Оланподувлысь 38-53 статьяяс:

38 статья

Быдөн уджалө ас вөляысь. Быдөнлөм эм инөд ас вөлясыс веськөдны морттуйсө кытчө көсйө, бөрийны удж да уджсикас.

Мырдөн удждны оз позь.

Быдөнлөн эм инөд уджавны сәні, көні эм тырвийө лөсялана видзчысянлун да уджалан сөстөмлун, эм инөд некутшөм ногөн кедзөвтөг оланпасөн урчитөм медичөт удждонысь оз этшаджык удждон босьтөм вылө, а сідзжө эм уджтөмалөмысь дорьян инөд.

Торья йөзлы да котырьяслы сетөма инөд удж кузя веньяс вылө, кодьясөс бырөдан ногыс урчитөма федеральнөй оланпасын, такөд тшөтш и бастуйтөм вылө инөд.

Быдөнлөн эм шойччөм вылө инөд. Удж йылысь сёрнитчөм серти уджалысьлы сетсьө тыр позянлун федеральнөй оланпасөн урчитөм уджалан кад вылө, шойччан да гажөдчан луньяс вылө, быд вося мынтана шойччөг вылө.

39 статья

Мамлун, батылун да челядьдыр, аскотырөс дорйө канму.

Челядь вөсна төжд, найөс быдтөм-сөвмөдөм — баты-мамлөн өткодь инөд да кывкутана мог.

Уджавны вермысь челядьлы, кодьяслы тырис 18 арөс, быть колө төждысьны уджавны вермытөм баты-мам вөсна.

40 статья

Быдөнлы сетсьө тыр позянлуна социальнөя могмөдөм вылө арлыд серти, висигөн, вермытөм вөсна, вердысьөс воштөм бөрын, челядьөс быдтөм-сөвмөдөм могысь да мукөддырйи, кызди урчитөма оланпасын.

Канмуса пенсияяс да сьөма социальнөй отсөг урчитө оланпас.

Ошканаөн лоө ас вөляысь социальнөя страхуйтчөм, социальнөя могмөдан содтөд сикас артмөдөм да бурвөчөм.

41 статья

Быдөнлөн эм инөд оланін вылө. Некодлысь оз позь оланінсө босьтны помкатөг.

Канму власьт органьяс да меставывса асвеськөдлан органьяс ошкөны кыпөдны оланін, сетөны позянлун збыльмөдны оланін вылө инөд.

Судзсьытөмаяслы, оланпасын индөм мукөд гражданагы, кодьяслы колө оланін, сйөс сетөны дон босьттөг либө лөсялана донысь канмуса, муниципалитетса да мукөд оланін фондусь оланпасөн урчитөм муртөс серти.

42 статья

Быдөнлөн эм инөд дзоньвидзалун видзөм да медицина отсөг вылө.

Канму сетө тыр позянлун дон босьттөг медицина отсөг вылө йөзлысь дзоньвидзалун видзан канмуса да муниципалитетса учреждениеасын лөсялана сьөмкуд, страхөвөй мынтысьөм да мукөдлаысь воөм сьөм весьтө.

Коми Республикаын федеральнөй уджтасьяс дорө сетөны содтөд сьөм йөзлысь дзоньвидзалун видзан да ёнмөдан республикаса уджтасьяс вылө, корсьөны туйяс йөзлысь дзоньвидзалун видзан канмуса, муниципалитетса, аспом тэчасьяс сөвмөдөм могысь; ошканаөн лоө мортлысь дзоньвидзалун ёнмөдан, физическөй культура да спорт сөвмөдан, вөр-ва да санитарно-эпидемиологическөй сөстөмлун видзан удж.

Йөз олөмлы да дзоньвидзалунлы лёк вөчөмтор да сылысь помкасө дзебөмысь чина йөз пондасны кывкутны федеральнөй оланпас серти.

43 статья

Быдөнлөн эм инөд овны сөстөм гөгөртасын, төдны сы йылысь збыльсө да босьтны вештысьөм, вөчөма кө лёктор сылөн дзоньвидзалунлы либө эмбурлы гөгөртас видзан инөд торкөм да омөль уджаланін вөсна.

Быдёнлы колё видзны вөр-ва да гөгортас, төждысьны вөр-ва озырлун вёсна.

44 статья

Быдёнлөн эм инöd велödчыны.

Сетöма тыр позянлун мытшöдтöг да мынтысьöг велödчыны школаöдзса, ставлы сетана шөр (тырвийö) да шөр тшупöда уджсикаса тöдöмлун сетан канмуса либö муниципалитетса велödчан учреждениеясын да предприятиеясын.

Быдөн инöd серти вермö венласьöм подулын мынтысьтöг босьтны вылыс тшупöда тöдöмлун канмуса либö муниципалитетса велödчан учреждениеын да предприятиеын.

Быдёнлы быть колё босьтны ставлы сетана подув тöдöмлун. Бать-мам либö найöс вежысьяс мөгмөдöны челядьöс ставлы сетана подув тöдöмлун босьтöмын.

Коми Республикаын вынаöсь канмуса велödчан стандартьяс, сетсьö мыджöда отсöг мукöд сикас велödчöмлы да ас кежысь велödчöмлы.

45 статья

Быдёнлы сетöма тыр позянлун литература, художество, наука, техника да мукöд сикас творчество вылö, велödöм вылö вöля. Морт вежөр-мывкыдөн чужтöмасö видзö оланпас.

Быдёнлөн эм инöd пырöдчыны культура олöмö да вöдитчыны культура учреждениеясөн, сибöдчыны культура озырлун дорö.

Быдёнлы быть колё төждысьны история да культура озырлуньяс вёсна, видзны история да культура памятникьяс.

46 статья

Киритöма. - 2001.10.12 лунся 45-РЗ №-а КР Оланпас.

47 статья

Быдёнлы быть колё мынтыны оланпасөн индöм став вотсö да öктассö. Оланпасьяс, кодьяс урчитöны выль вот либö омöльтöны вот мынтысьяслысь олöмсö, уджалöны сöмын найöс вынсьöдан кадсянь.

48 статья

Гражданинлөн **быть колантор (долг)** да мөг дорйыны Айму.

(2001.10.12 лунся 45-РЗ №-а КР Оланпаслөн редакцияын)

Гражданин нуö военной служба федеральной оланпас серти.

(2001.10.12 лунся 45-РЗ №-а КР Оланпаслөн редакцияын)

Гражданинлөн, сылөн видзöдласыс либö енлы эскöмыс кö оз лэдз нуны военной служба, а сідзжö федеральной оланпасөн урчитöм мукöдтор дырйи, эм инöd вежны сійöс лöсялана гражданской службаөн.

(2001.10.12 лунся 45-РЗ №-а КР Оланпаслөн редакцияын)

49 статья

Коми Республикаын сетöма тыр позянлун мортлысь да гражданинлысь инöдъяссö да вöлясö канмуён дорйöм вылö.

Быдён инöд серти вермö быд ног дорйыны ассьыс инöдъяс да вöля, сы вылö кö абу оланпасён индöм кутöд.

50 статья

Быдёнлөн эм тыр позянлун дорйыны ёрдын ассьыс инöдъяс да вöля.

Канму власьт органъяслөн, меставывса асвеськöдлан органъяслөн, öтйöза котыръяслөн да чина йöзлөн шуöм да вöчöмтор (либö вöчтöмтор) вылö позьö норасьны ёрдö.

Быдён инöд серти вермö Россия Федерациялөн войтыркостса сёрнитчöмьяс серти шыödчыны морт инöдъяс да вöля дорьян канмукоствса органъясö, канмуын кö абу нин некутшöм позянлун дорйыны найöс.

51 статья

Некодлысь оз позь мырддыны инöд видлавны сылысь делöсö сэтшöм ёрдын да ёрдысьён, кодьяслы шуöма видлавны сййöс оланпас серти.

Мыж вöчöмысь мыжданалөн эм инöд видлавны ёрдын сылысь делöсö присяжнöй заседательясён, кор тайöс индöма федеральнöй оланпасён.

52 статья

Быдёнлөн эм тыр позянлуна инöд босьтны тыр-бур юридическöй отсöг. Юридическöй отсöгыс сетсьö дон босьттöг, та йылысь кö урчитöма оланпасын.

Быд кутöмалөн, стража улö босьтöмалөн, лёк вöчöмысь мыжданалөн эм инöд босьтны отсöг адвокатсянь (дорйысянь) сййöс кутан, стража улö босьтан либö мыждан кадсянь.

Комиссияён веськöдлысь

В.П.Марков

Комиссияса веськöдлысьöс вежысь

С.Г.Козулина

Кывкутысь секретар

Е.Г.Коснырева